

卷之四

華陽集卷第二十四

詩

聞車駕幸秘府二首

一聲清蹕九天來
睿主崇文寶運開
光動石渠春滉漾
香浮芸閣畫徘徊
天顏有喜垂清問
御筆新題仰聖才
鉛槧小臣空悵望
五雲深處認蓬萊

春旗簇仗石渠邊
東壁分明帝座前
八品微官恩有地
七年通籍願瞻天心
馳魏闕何時到身
滯周南祇自憐
遙想道山雲集處
幾多光寵被羣賢

金壇後學于孔蕪校

藝圃

次韻王子飛跋石曼卿洛中題壁
酒狂翫世芙蓉仙骨中落落太古全
浮雲富貴不着眼肯復騰上誇
鳶肩應恠元龍負豪氣獻書天子言
十事騎驟一去不可追風月淒涼壁間字

九日陳少陽同戴國衡王虞章游天清寺菊坡
不蒙見約次韻少陽
太丘道廣固難周自有良朋結勝游
莫使彈琴防性氣只堪尋竹占清幽
三篇解索詩償債一醉那無酒
喚愁貧甚淵明在環堵忍教空負菊花枝

次韻國衡

古寺馮崇岡蒼煙蔭喬木欹斜屋鱗比繚繞墻帶束
何人闢層軒延客寄遐矚醉賞菊坡下客意豈在菊
念昔居此地名世盡儒服師曠賢多知蒼史聖重目
臺成竟誰游事去不容跼梁王高帝孫名字亦不辱
當時盛歌舞肯使後人逐陳迹今故存新池爲誰綠
感歎世上事翻覆如轉燭請君聽鍾魚尚想吹紫玉
次韻虞章

軌道無停轍風林難盡柯人生百年間疾若下走坡
何爲形役苦况乃憂患多淵明頗解事舍濁揚清波
九原骨已朽萬古名不磨念我獨窘束處世隨唯阿

塵埃眼中滿歲月馬上過不作雞肋弃尚扣牛角歌
正賴良友朋詩句陶天和涓涓吐微溜浩浩供洪河
三篇怯大手未陳先倒戈借問菊坡游頗亦狂醉麼
獨不飲公榮冷面看紅醅欲賦無好語書懷愧陰何

書懷

紛紛兒輩謾同時獨負權竒不受羈刻燭已驚詩句
速飛觴肯放酒行遲平生白壁休三歎萬事黃梁僅
一炊誰向先賢得風制空令人笑虎頭癡

夜飲二首

大木千章難近用朱絃三歎有遺音微言欲扣會心

處濁酒不妨隨意斟

年少詩狂不自禁那堪客裏聽孤砧寒夜半月初
上酒盡欲眠愁更深

戲張處文二首

禪房深夜雨蕭蕭只有青燈伴寂寥咫尺嬋娟鎖朱
戶不知何日在佳招

延賓北海坐常滿不飲公榮亦太慳病渴固應難與
酒嘯歌元自不相關

春末桃李盛開竹間有梅一枝蕤然秀發用唐
子西韻簡汪彥章

在處朱朱兼白白化工伎倆真多色誰知先生鐵石
心到眼物華如過客高標可但凌三冬一枝傑出妖
艷中椒蘭絳灌信鼎貴萬世屈賈留清風

館職上元宴集葆真宮以病不赴次龔濬之韻
春融準擬千場醉底事年來與易厭滿眼笙歌招不
出獨哦詩句遶窮簷

鄭樞密生日五首

黃閣曾居百辟尊經綸相業滿乾坤化行風雨年年
節恩到桑麻處處村付與斗樞深拱極安排鼎鉉再
調元贊襄好爲蒼生計天子文思納盡言

朝來佳氣滿樞庭知是君王用老成素倚房喬關大
事政須裴度張威名三千奏上深憂國百萬功成看
偃兵聽取啼禽催布穀便將霖雨發春耕

袞衣廊廟孰推先元老勲名自卓然忠槩明堂尊一
柱神鋒長劔倚中天定知闢國功歸召已見疏封地
得燕相業蟬聯應未艾少翁家學似韋賢

此日君恩特地深傳呼星使自天臨鸞臺鳳閣滿春
色燕語鶯啼俱好音駿極共歌申降嶽對揚真賴傳
爲霖青氈豈待金甌卜自有公言格帝心

推轂當時起陸沉巴俞祗恐累知音十年謬許門人

列一報長懷國士心沙路待看新築穩桃陰應念舊
蹊深酸寒尚有男兒志忍使霜華兩鬢侵

代人上鄭相生日三首

瑞霧祥煙滿絳霄詔開黃閣宴生朝鈞天合奏御香
滿百辟紫宸初散朝流花寶爵傳宣勸歡聲自逐和
風轉四方爭獻壽星圖祝公千歲身長健畫手丹青
妙入神煌煌列宿能寫真貂冠玉帶畫中見便是凌
煙閣上人偉哉風骨神仙裔主張壽祿來塵世不須
更占南極星看取老人朝玉帝

右壽星

上方有國名衆香經行苑囿皆芬芳世人豈識天香
界但知蘇合及都梁博山氤氳吐微竇一炷香嬰淨
塵垢散成五色空中雲持獻現前無量壽我公宿悟
香嚴因應緣來現宰官身妙香密圓證無漏總持不
動真天人熏陶四海看無際便是經行衆香地獻香
陋語應已聞羅筏寧論幾千里

右壽香

凝香紅蠟大如椽華堂兩兩排金蓮漏澁銅壺寒夜
永光搖翠幄爭春妍蘭膏芳苾苾何足道簾捲香風碧
煙裊霜蛾勿用拂麟鬚合就仙丹會難老我公身依

華陽集 卷之二十四 五
日月光不假仙丹亦壽康煌煌神燭照天下光焰何
止萬丈長世間燭火知無助想像丹輝爭欲賦可憐
賤士老不才短檠見跋無佳句

右壽燭

送趙承之出守鄧州
蓬萊宮中老仙伯一首詩堪萬人敵胡不佩劍趨明
光要試南陽二千石南陽異時名帝鄉襄山菊水秋
風香民歌召杜向千載至今遺俗皆農桑使君此去
殊不惡坐嘯風流有餘樂堂前畫燭照紅粧席上枯
棊響飛雹行看墜書下赤墀旌旗夾道生光輝應念

斯文要羽翼歸來九萬翔天池

謁蔣仲遠坐中出所和徐學士詩歸而次韻二
首是日飲仲遠宅見二侍兒

剝啄龍門未厭頻履聲容易出雲津求羊徑掃無它
客王謝堂前宴令辰心醉不知簾外雨眼花唯覺坐
中春留連更欲窮歡賞惆悵金壺啓夕淪
不須乘月坐胡床簾底高張密炬香隨意尊罍供北
海等閑談論到羲皇三朝舊德真忘分一介微官倍
有光禮絕百寮明日事可能重許上公堂

謝周仲弼寄新米

索米長安甑欲塵斗升分惠意何親無煩子罕出公
粟自有叔牙知我貧指困高風懷國士翻匙佳句憶
詩人他年若遂歸田去盡種香秔老此身

索仲弼和詩且邀奕

佳言吐屑破春温落落曾懷自不羣百萬買鄰輕去
我十千沽酒屢思君懶償詩債緣何事熟讀棊經要
異聞挑戰會從今日始待嚴旗鼓送奔軍

次韻彥章秋夜有感

萬籟沉沉夜色幽倚樓長嘯雜吳謳干時不利羞魚
沫廩食無功類鼠偷已欲忘言聊卒歲尚餘豪氣獨

悲秋翹生風味真吾友誰解招呼與解愁

秋日野望

秋雲來不斷野色浩無窮興逸煩襟外詩成醉眼中
懷鄉看宿鳥轉物悟飛蓬何日江南去新鱸膾筋紅

謝洪察院送酒

嗜酒劉伶絕世無春衫典盡倒天壺造門誰爲傾家
釀見客常留滿眼沽頗訝霜威太嚴冷忽分春色到
焦枯一尊且作通宵醉明日重看朝夕鳥

次韻陳去非中秋無月

蕭瑟中宵雨打牕那知風葉亂飄黃已無佳月供清

賞賴有新詩耿夜光蓬戶我方甘寂寞朱門君勿看
輝煌只今天柱峰何在好約玄真一醉狂

送杜子從赴成都倅

結東征鞍去欲奔行行折柳送都門壯懷未用看雙
鬢祖席何妨醉一尊玉局仙游成獨往草堂詩句與
誰論懸知別乘風流處醉倚紅粧笑語溫

友人哭內作詩次韻

奉倩傷情愛所鍾佳人難再豈天窮登臺曾是吹簫
侶對影今爲舞鏡雄虛按故應愁午飯小牕誰與伴
春風夜深它帳遙聞語莫怨朝來無是公

戲題所見

破睡輕風透碧紗寶釵聊挿任欹斜欲尋女伴嬉遊
去試問鞦韆有幾家

候張彥智承出

縈地路轉愜登臨一室翛然靜客心杖屨主人山下
去風鳴巖壑自幽深

用前韻索彥智和詩

老將詩壇數按臨詞鋒疑有受降心夜嚴旗鼓吾將
勉只恐秦師壁已深

彥智贈汧泉一斗使僕淬礪斤斧出長松矯矯

華陽集 卷之二十四
之姿甚大惠也因成小詩寄謝昔李太白作詩
三千首自謂不直一杯水今詩四句耳較之不
直涓滴乃欲酬一斗之贈無乃太鮮乎
纍纍弱蔓繞長松未放蒼龍舞太空賴有霜刀堪一
割謝公汗水爲磨礪

喜門客至

簷桷縱橫僅滿筵維摩病室故蕭然焚香淨掃床前
地宴坐超觀物外天容勝不妨元亮醉下帷誰識仲
舒賢白頭千里來相就知是吾兒幾世緣

讀周仲弼雪中友人過訪詩次其韻

騎馬走天闕着破幾狐裘功名貌未涯日月去不留
從來舌本彊游談媿枚鄒閉門有樂地未用兒女憂
故人寄新詩卷軸紅牙頭飄然雪中作乘興將誰謀
相與情未踈連夜飛輕舟此身一縷微豈待萬戶侯
有酒且共樂貧交乃勝游

次韻仲弼重九

黃花白酒兩相逢把酒簪花對晚風千里故園雲水
外三年歸路夢魂中自憐晚晚傷秋色誰解踈狂癸
醉紅寄語髯周頗知否此時情緒與君同

送姪合赴省試三首

破的雄鄉國擔簦上帝京路夷驥逸驥天闊轉飛鯨
學就千人敵名歸四海爭莫言年少在歲月易崢嶸

二

黃卷新儒業青錢舊世家征衣輕遠別祖席倍歡譁
雲薄堯天近山昏楚日斜高堂朝夕念擢桂是生涯

三

聖主收羣策終軍正妙年精神揮玉雪翰墨灑雲煙
舊學嗟予老衰宗繼汝賢決科須第一御名勿棄青氊

華陽集卷第三十四

畢

華陽集卷第三十五

金壇後學于文熙校

詩

次韻蘇養直破虜謠

旌旗千里照江紅學語小兒爭挽弓春風江岸草無
際馬蹄踏徧青茸茸將軍面作石稜紫百萬胡羣陣
前死游魂假息度長江京觀應慚望西汭蘇侯筆力
壯三軍破虜長謠入眼驚何當更獻中興頌坐看萬
國朝神京

次韻仲弼

高卧元龍百尺樓飽看風月自忘憂雖無濁酒招陶
令尚有枯棊伴奕秋俗事可堪遮眼底愁情終莫上
眉頭襟懷落落誰能測方寸端容萬斛舟
千里長懷北固樓客居顏巷不堪憂清熒坐看孤燈
夜搖落初驚一葉秋已厭清談揮麈尾誰能細字寫
蠅頭尊鱸固是吾家味好約西風買釣舟

次韻李傳道感事

臥病何人爲掃門墮霜黃葉任繽紛旋沽濁酒難禁
醉厭數孤砧遠更聞冉冉生涯飄似夢悠悠心緒亂
如雲幾時得遂江湖去野性終隨鷗鷺羣

聞官軍掩殺城中羣寇次傳道韻

未復錢塘郡先收鐵峯城妖星隨月落殺氣逐參橫
已築鯨鯢觀重新鼓角聲大江應好在流恨幾時平

飲散

懶性時難合愁腸酒易醺雨聲牕外過客語夢中聞
借問安邦策誰堪破賊羣可憐吾老矣生意薄如雲

聞鎮江賊平

賊隨寬詔免恩浹大江浮人少餘新市城荒剩故丘
瘡痍誰共理宵旰獨深憂莫上西樓望黃雲滿眼愁

次韻彥智夜歸二首

餘年知有幾時過如激箭况乃世味惡酸辛幾嘗徧
朝來忽覽鏡坐歎華髮變故人尚青眼危論排月旦
慰我出新詩驪珠有餘燦
國步何多艱戎虜尚傳箭萬里眇寰海瀕洞風塵徧
其間蟣虱臣亦作豺狼變中興賴明主掃除在一旦
憑君深夜望已失妖星燦
扁舟連夜發歸興急如箭喪亂男女悲一息萬慮徧
人生豈匏繫事業有豹變聖主纂洪業廟堂用伊旦
拔茅到公等王道何其燦

次韻蘇晉翁見寄

不見梁王舊吹臺年來愁眼向誰開求賢廊廟無虛
日報國消塵自乏才直指謾能迎欄具永懷寧敢咏
金罍相看鬢髮霜千丈自視文章水一盃晚歲可憐
神氣索故人猶寄好詩來追還正始真堪喜突過黃
初豈易陪婉孌也知能度曲葡萄應已釀新醅何時
東閣容驚坐一日那辭一百迴

傷春

老來心事不禁春風物相撩入眼新苦索吟哦成底
急且休拘束任吾真有錢買酒須饒醉無事看山莫
厭頻憂國只今夔契在應容衰疾伴樵人

用前韻送春

滿眼鶯花自在春送春情緒怯愁新鼓琴不用戴安
道行酒却須温太真晚歲深交能有幾相逢爛醉莫
辭頻新條更有明年在重與東風作主人

次韻傳道夜觀牡丹

年來春事不相關一笑除非醉裏拚未信花枝憎白

髮且隨月色傍朱欄他時拜賜猶能記百官遊金明池館職賜詩

丹此夜傷心更忍看姚魏風流渾謾與坐來雙泪落

金盤

七月晦

七月忽逢晦悲秋竟若何破羗無妙略中聖有狂歌
世味羞嘗鼎心源欲靜波由來麋鹿性幽興滿煙莎

歸鄉

窮巷歸來已白頭結茅何必榜休休好山當戶碧雲
晚明月滿谿寒葦秋詩社縱添新句法醉鄉難覓舊
交遊平生幸自無機械一棹夷由去狎鷗

用前韻

愁來莫遣上眉頭着酒驅除醉即休未省一官堪送
老已驚雙鬢不禁秋收心香火供清夢洗眼雲溪結
勝遊喚取短篷乘晚興坐看煙浪沒輕鷗

對月

蓬鬢秋風老柴門轍跡踈誰同今夜月望絕故人書
止酒愁元亮何心賦子虛得詩還喜誦習氣未全除

避寇艤舟遇雪

西山羣盜欲侵凌小艇移家傍險行遮眼亂雲方合
沓向人飛雪忽縱橫心憂出穴虎狼近身似遶枝鳥
鵲驚天闊此時難借問地偏何處可偷生

用前韻

雪花吹面凍凌凌客路艱危敢緩行春酒可賒三日
近野梅初見一枝橫傷時在處愁先滿討賊無期夢

自驚誰解山東問消息謝公應起爲蒼生

泊舟廟灣次姪合

泊船高岍曲散策小村傍盜賊耳邊滿朝廷天際望
繫愁官柳嫩醒醉野梅香後進推吾子詞鋒不可當
春耕

亂後荒田杞棘生歸來還喜見春耕隨犁細雨濛濛
濕轉壠新泉聒聒鳴好勸賣刀添健犢盡令長畝種
香秔腐儒一飽真餘事莫遣閭閻有歎聲

次韻黃堯翁鬪雞三首

宴罷金雞列籠瞻黼座逢兩雄爭定霸一戰息虛憍

忍受摧冠辱貪承賜錦饒如何紀消氏今乃混漁樵

二

繫馬翠樓下鬪雞花樹旁飛毛驚辟易喋血壯摧傷
奮擊方乘勢歡呼忽擅場忿心能幾許嗟爾太匆忙

三

約鬪提籠出無譁倚壁看禍心藏芥羽碎首濕朱冠
擒敵壯夫事策勲公子歡棲羣噲等伍今日始知韓

次韻顧應文

萬事浮雲過眼空羞將白髮競春紅折腰久已慚元
亮作賦何勞慕敬通經世豈無天下士知心應有古

人同破除孤憤難忘酒聖處時時且一中

讀書

卻老慚無術驅愁賴有書披尋窮浩渺領略造玄虛
窻日三竿靜爐熏一炷餘倦來還自哂蠹簡類蟬魚

次韻孫仲益食豚魚

說食書生費口牙一盃初捧白瓷花晨鳧夜鯉可
命早非晚菘同世家毒甚鑊鄣渾謾語詩成珠玉且

雄誇腐儒一飽忘麤糲更索盧仝七椀茶

次韻應文遊東園

筋力摧頽老自知追歡猶學少年時園林勝處看如

夢杖履行來步懶移對酒不堪蕉葉滿插花那復帽
簷欹羨君詩句方豪甚應笑踈狂亦彊隨

次韻李道士觀南山三首

濛濛煙雨忽晴開坐覺羣山爽氣來誰向此間尋賀
老相逢莫放酒船回

山似圍屏六曲開小谿如帶傍山來結廬谿北對山
住俗駕何妨且勒回

柴門無事晝慵開杖履誰曾得得來隔岸野花隨處
發護巢幽鳥傍林回

與韓子蒼別久忽邂逅於臨川遭時亂離道舊

感歎子蒼有詩見贈次韻奉呈二首

三顧當年尚草廬南陽誰識臥龍居舍人自是出世
佛學子猶呼行秘書視草似聞虛翰苑追鋒看即近
郊墟論思好爲蒼生計莫學辛毗謾引裾
隨緣到處是吾廬風雨飄飄敢定居異縣逢君如隔
世七年恠我苦無書平生出處皆陳迹太半交遊已
故墟愁絕不知尊酒盡醉歸兒女笑牽裾

言懷用子蒼韻

早從微宦去田廬慚愧英游許並居拙計自憐嵇叔
懶暮年空悔子公書歸尋松竹開幽徑坐看牛羊下

夕墟已把經綸付王導不妨練布製襟裾
謝錢巽叔用子蒼韻

底事承明厭直廬孤城天遠寄幽居根塵已悟三乘
祖香火聊看八會書是處風煙供翰墨何妨杖屨入
村墟皇文近日收遺老妙手終煩補帝裾

寄曾公衮用子蒼韻

五馬歸來識舊廬相門曾對水雲居家聲自可威戎
虜吏最何勞課簿書好扈六飛還魏闕却麾單騎復
姚墟莫欺霜鬢將軍老鬢鑠猶能一攬裾

晚興二首次人韻

病骨離支怯晚風可堪游目送飛鴻書淫老去還知
倦酒聖秋來却喜中北伐會須空虎落西邊先欲靖
蚕叢卑飛莫起扶搖念徒使莊生笑二蟲

衰草連雲萬木風天高滅沒見孤鴻夕陽人散酒旗
下遠浦船歸漁笛中兀兀松牕翻蠹簡垂垂蓬鬢颯
霜叢自憐世味諳來慣已覺忘辛似蓼蟲

次韻謝人惠詩

翩翩才氣逸輕翰倒瀉波瀾筆力寬沉醉不辭金盞
側清吟長占竹窻寒捧心欲劬羞顰媚斲鼻須煩盡
聖漫辱贈驪珠念無報但驚懷袖有奇觀

夜雨

夜雨妨清夢，疎簷落細聲。幽懷無客語，偶坐有琴橫。
水闊柴荆迥，風高鴈鶩驚。感時思報主，材薄媿平生。

閉閣

閉閣靜無寐，觀書空復愁。虞卿雙白壁，晏子一狐裘。
萬事等歸盡，百年誰得留。還將句中眼，爲問賈長頭。

行部至南陵題隱靜寺

籃輿行盡萬松岡，得得來看古道場。飛錫落花成佛
去，後人誰見紫金光。

寄宿隱靜東軒軒外竹引飛泉落池中隔窻聞

之如秋雨瀉簷聲

踏殘西日寄僧房，一炷爐熏秋夜長。誰作響泉喧客
枕，夢回欹聽雨淋浪。

次韻李彥達客舍秋懷

落日孤村靜，淒風一笛秋。寸心灰欲死，雙鬢雪添愁。
未報中原復，應煩肉食謀。獨慚蘇季子，計拙幣貂裘。
次韻彥達

之子初傾蓋，論詩卽定交。心清懸水鑑，才逸奮蒲梢。
貰酒移賓榻，攜盤雜野肴。半醒還半醉，相對老蘄茅。
木落

木落秋聲迥山寒暮色連時危羞冕紱身老寄林泉
濁酒平孤憤清吟續短篇一枝吾已足鴻鵠謝哀憐

思歸

梧陰低落月蛩響怨悽風舊隱江煙裏歸期客夢中
攬衣驚帶緩看燭待花紅莫謾呼歡伯驅愁正罔功

次韻酬彥達

浮榮過眼風脫葉鴛鴦行無復清夢接柴門晝閉雀可
羅寒日暉暉弄疎樾已種芳蘭滋九畹更遣胎仙舞
三疊李侯壯志亦可人舉目萬里欲橫絕醉眼時看
石稜紫吟鬢半作霜棘折方今聖主躬儉勤奏賦不

須誇羽獵中興盛事要磨崖老於文字誰踰結願君
勉力上扶搖渺渺雲海出飛楫莫隨鍛翮臥窮巷謾
學啼螿弔寒月

燒香三絕句

卷去竹書閑棐几臥看桐影轉簷牙試憑波律送清
夢未信華胥天一涯

霏霏沉水屑玄玉靄靄博山生翠雲羅篔簹城旁知幾
里坐令香界徹微熏

閉眼無勞身外思安心有法靜中知香添細炷焚千

和茶碾新芽試一旗

千和香出
三洞珠囊

幽情

褊性多違俗忘年只舊山心隨黃葉謝身與白雲閑
杜酒頻應酌萊衣賸喜班幽情在叢桂爲着槿籬環
彦達作詩自歎次韻勉之

未試屠龍學頻應引劔看夢驚秋枕雨愁入曙牕寒
戰伐今年定乾坤萬里寬扶搖終一舉回首謝悲酸

日暮

地偏車馬靜門閉水雲深野艇收晴網村舂續暮砧
危腸逢酒怯病骨畏寒侵又見鴉歸盡誰賡梁甫吟
次韻彦達雨霽

坐看飛雨激風雷忽變晴空萬里開殘暑暗隨簷溜
去新涼頻逐樹聲來朱絃奏罷空三歎白酒筯殘尚
一杯病懶怕催詩債急彊吟狂斐不知裁

晚雨

急雨鳴初歇崇雲凝不流客帆迷夕浦漁火聚煙洲
委巷藏身拙殘編亂眼愁功名心已謝肯負故山幽
彦達借研意在白取次韻戲荅

斲石染輕翰對面可十手價重千黃金欲見那得苟
難欺相如璧寧碎范增斗作詩伐君謀聊以當墨守
家叔示秋夜詩次韻

秋來天色半晴陰，衰鬢難禁節物侵。
蘭葉向人方泣露，菊花催酒已浮金。
莫將詩課頻頻聒，不那愁城日日深。
咫尺南山堪寄傲，欲隨鳩杖徧幽尋。

用前韻

蕭然雲屋敞溪陰，荒徑蒿萊故故侵。
穿竹晚風輕戛玉，入簾涼月碎搖金。
畏寒皮骨驚秋早，得酒情懷語夜深。
臨老工夫在禪說，試拈波若爲重尋。

次韻戲彥達思歸

月牕明素練，風榻淨飛沙。
飲極樽無綠，更長燭自花。
感時憂未散，得句喜能誇。
莫寄思歸語，粧寒損鬢鴉。

月夜

漁火前村近，秋砧靜夜多。
山煙歸宿鳥，水月動明波。
燭短催詩急，樽空柰客何。
抱愁眠不穩，林影半床過。

秋夜小酌

宇宙秋光老，崦嵫夜色連。
澄波寒浸月，低樹遠浮煙。
巷僻喧都騎，杯行促廣筵。
摩尼元自照，沉醉不妨禪。

探梅

俗態多違性，幽梅不近城。
詩書看長物，林壑寄餘情。
傍驛尋梅使，衝寒過麴生。
一枝供細酌，歸路見參橫。

山中卽事

地僻官仍冷心閑日自長松篁供遠吹芝朮度幽香
直木應先伐驚禽忍再傷家山吾所愛投老慰相望
次韻彥達折梅

信步尋梅約欣逢亞雪枝春藏紅萼小寒嗇暗香遲
畫角傳新曲粧臺歛翠眉廣平心不動唯許筆端知

僻居

陋巷人誰樂窮居意自安擁門雲樹暗繚徑土花乾
白髮驚時速青燈耿夜寒中原滿胡騎一念一悲酸
次韻彥達對雪有感

朔風卷地寒雲繁忽驚空花墮簷間遠山歷亂眼中
失飛鳥滅沒天際還緬想端門萬官賀雲陛儼列鳴
珮環豐年獻瑞天一笑聲動四海俱歡顏李侯人物
妙天下何獨臥窮看屋山曾次水壺自深瑩管中霧
豹難窺班異時富貴恐不免詎忍空歌梁甫艱君看
鴻鵠有高志一舉九萬誰能攀

雪晴

雪晴日脚下茅屋深巷泥融頻屐聲幽鳥喚春啼不
那野梅迎客意先傾愁腸斷送酒邊散詩眼安排煙
際橫晚歲浮榮安用許祗應丘壑未忘情

次韻彥達催詩

老去交親渾謾與興來終日飲亡何扣門頗厭催書
債隱几憑誰遣睡魔肯恠物情相楚越端由吾道自
丘軻衰慵更着詩頰惱筆陣方開已倒戈

歲暮二首

忽忽歲云暮霏霏山雨頻鳥啼茅舍靜梅映竹籬新
陋巷無深轍清醕有善鄰中原消息斷聊與醉鄉親

二

寒逐雲陰散年催節物新桃符趨臘市社鼓賽田神
任性琴書懶呼兒杖屨頻君恩難報處家食奉雙親
用前韻

雪殘春信近山迥客愁新興極尊無酒詩成筆有神
玩心雲物變驚夢雨聲頻坐對華嚴海忘言意自親

野望

日落寒雲薄樓高望眼迷興亡千古恨衰疾萬行啼
拔土空巖穴防秋尚鼓鼙建章何處是坐待玉繩低

探梅

倚空山翠羅曲屏入山曉日寒淒清蒼龍導前散踈
影幽鳥勸坐回新聲探梅忽見數枝發曳杖折來雙
眼明綽約東牕可無伴煩君火急呼麴生

彥達乘小舟醉歸墮水作此戲之

舍爵頽然飲中仙夜歸一葦航深淵長歌扣舷天上
坐起舞失脚水底眠未省渴羗笑肉動會令鼯鼠驚
腹便布帆無恙急藏去明年更試春江船

次韻李公顯

士有鴻鵠志萬里一舉翮胷中自廊廟肯顧三畝宅
李侯氣邁爽詞鋒凜霜戟老夫晚結交文會欣有繹
劇談到時事唾手欲任責短褐天路高畎畝抱忠赤
風雷惜變化泥蟠等蜥蜴結茅西山下樵爨走僮獲
富貴會有時簞瓢豈不適世態翻覆手寧較黑與白
興來時一杯南窻俯遙碧

歸自金壇值雨宿顧龍山翌日施米作供
蒲牢不擊欠晨炊風伯如何聖得知留我艤舟明日
去滿堂香飯雪翻匙

次韻公顯見贈

李侯詞氣吐朝陽光焰真成萬丈長綠髮莫將塵土
暗會看它日照金章

年齊耆舊愧衰陽懶性唯耽野趣長了却官租更何
事君王約法已三章

用前韻戲公顯

初試梅粧愜壽陽藁砧山上夜何長式微未盡閨中

怨束皙那辭補一章

送公顯應舉

堂堂筆陣一當千得意秋風急着鞭百萬破荒明日
事未應長欠畝頭錢

次韻公顯木犀

鋪茸紫葵亂晴颺點金寒菊棲短籬木犀韻高陋凡
枝顧與葵菊同堦墀香聞十里自絕竒造物豈偏雨
露滋閒見層出珠琲垂鵝黃靚粧宮樣宜煙銷紅日
下薄帷宴坐幽窻風度時頗覺飄飄蘭蕙姿着人不
去催作詩李侯為續離騷辭香草端從筆下移花前

把卷不停披何以酬君金屈卮

次韻公顯賦蠟梅二首

壽陽催粧花睡起半額淺黃嬌欲語香竟浮動滿幽
思着莫春風暗相與李侯鐵心似廣平筆力萬鈞談
笑舉詩成夜誦更清絕向來誰識表臨汝句中有味
應獨知吟罷餘甘發微咀

從丁世叔覓花栽

老去看花能幾回旋移花樹着行栽君家封植滿煙

露分我一枝春色來

庚午三月十日遊茅山

雨餘沙迳淨無泥杖策何妨過竹谿迎客野花隨處
發勸沽幽鳥向人啼峰巒路轉攀蘿倦樓觀煙深望
眼迷疑是武陵仙地隔坐來遐想舊桃蹊

王伯壽見和復用前韻奉荅

瓶空何必醉如泥送客誰能過虎溪一枕閉門追蝶
夢兩行森木聽鶯啼新詩未讀心先伏細字徐看眼
欲迷筆底春風有生意他年桃李會成蹊

次韻伯壽述懷

仲蔚蓬蒿滿徑荒主人曾是漢中郎干時不利初無
術醫國那知別有方老去與誰同臭味秋來多病獨
悲涼倚天長劔君休問腐肉當前亦斂鋒

邀韋汝昭同宿上館

打窻風雨夜蕭蕭客裏誰堪伴寂寥五字蘇州有苗
裔高吟何必更聞韶

題華陽南牕

擾擾何年斷俗緣從今便合老山間會將碧澗洗心
淨坐看白雲終日閒

衰病辭祿蒙恩賜可時小子堅方塵末第陳德

昭表仲誠惠詩褒借褒借甚寵次韻奉荅二首
蕭蕭兩鬢雪毛新忝竊清朝舊薦紳陳力心知難就
列引年恩許致爲臣臥家正恐貽官謗增秩俄驚捧
帝綸温飽一門生意足捐軀無路報涓塵
月窟當年裛桂香衰蘭那敢望重芳姓名忽見偕千
佛骨相端知誤九方老樹逢春欣有葉新雛出谷敢
爭翔琢磨賴有交朋在高義無專數范張

用前韻再簡二首

三復長篇句法新蘭言紉佩更書紳才高奚啻千人
敵譽過空慚一介臣莫訝筆端能品藻定由曾次有

經綸波瀾萬頃分餘滴洗盡昏花滿眼塵
二妙爭開古錦囊爛然佳句厭羣芳奉高遺德歸臨
汝文範流風在季方顧我挂冠寧復振生兒附翼豈
能翔願公勉力躋雲路視草斯文要主張

赴喜雪御筵歸作

喜雪排筵曉漏催玉人傳詔下天來香隨日轉蓬萊
近山花帶春回錦繡開一線新陰留鼓吹三登和氣
入樽壘叨霑惠渥思歸美授簡梁園愧乏才

進呈皇太后回鑾事實

奕世占來寶運昌母儀垂慶肇生商鑾回長樂神人

喜書就蓬山日月光北闕導迎三衛仗東朝歡奉萬
年觴太平盛事人相語孝德回天賴我皇

太廟靈芝產于
仁宗皇帝英宗皇帝兩室前
楹芝上有文成王字臣叨陪政府得預榮觀謹
課成律詩二首

吾皇聖德紹先猷清廟華芝屢降休道盛百王神書
驗祥開兩室化功侷犧尊影照彤雲聚藻梲光連瑞
氣浮願詔樂章歌偉蹟便從來歲薦郊丘
升平和氣格天淵瑞物嘉生太室前根托丹楹朝麗
日葉敷華蓋護非煙燕胎爲祝多男慶天母仍符萬

歲篇聖意每勤宗廟事屢蒙休應荅精虔

神芝名燕胎燕玄鳥

也有天命生商之兆古辭靈芝篇云陛下三萬歲慈母亦復然

華陽集卷第三十六

華陽集

卷第三十六

去年堪笑樽前窮太守只愁老病欲歸田
休官

乞得清朝一病身杖藜歸去老山村
室廬旋築新椽就松菊猶尋舊徑存
漸喜有緣窮野興只慚無路報君恩
百年來日知餘幾且把生涯付一樽

弟姪三人同日受官實爲吾家盛事老懷不勝
抃喜作四小詩見區區之意

恩光初自九天來玉樹三枝一日開
造物無私人共慶那知陰德舊栽培

三世追榮荷聖恩諸孫仍見捧絲綸
當年孝友家聲

在流慶增光屬後人

恩袍新綠照新秋文雅鄉評早見收
王謝故應人物勝芝蘭生處自風流

清時得謝老山村弟姪相過慶一門
結綬滿庭青若若莫辭勤苦報君恩

郊祀慶成用堅韻

圓丘迎日至大駕肅天臨樂奏來靈享
嵩呼動德音均恩寰宇慶望闕老臣心
基命歌周雅何勞五字吟

作亭池上日游其間頗覺自適

歲晚穿池結小亭地偏聊欲寄幽情
虛簷風度披襟

爽曲岼波平照眼明過我賓朋無厭數傍人鷗鷺不
須驚聖朝乞得身閑散便覺淵明是隔生

題喜歸亭

君恩賜我老菟裘旋築池亭野趣幽地勢曲連青嶂
遶波光環匝翠煙浮興來樽酒隨時辦客散琴書盡
日留爲問標題意何在一生心足是歸休

次韻表仲誠見贈

解組清朝返舊鄉依然門巷接回塘閒身乍覺鳥聲
樂緩步重尋花徑香多謝故人停桂棹何妨清夜醉
霞觴新詩贈我光蓬屋十襲應同夏后璜

再用喜歸亭韻

晏子區區惜弊裘吾衰亦戀故山幽得歸更喜詩盈
軸任達寧須酒拍浮已縱虛名身外去肯將俗物眼
邊留只慚老負君恩重結草他年報未休

送張輔卿省試

明詔搜賢動四陲西來一鶚冠羣飛擅場筆勢驚華
省發策才名上紫微無負題橋平日志要看懷綬故
鄉歸相逢肯惜傾家釀已約鶯花御名勿違

簡表仲誠覓芍藥花

老來百計不相關詩句雕鐫興亦闌只有好花堪照

眼從君聊借一枝看

仲誠和詩四首又疊送花再用韻答

筆陣橫飛屢叩關嚴兵夜戰迫更闌好花多謝煩分
我怯敵寬驚未暇看

避寇舟中風雪大作

扁舟避寇艤山隈問捷江城信未迴犯夜號風驚夢
破催寒飛雪送愁來三軍挾纊煩溫詔百戰褰旗賴
雋材已辦磨崖頌功烈竚還生意發春雷

王伯壽示佳作備述窮苦次韻奉呈

吟殘翻水筆生春秀句驚人字字新賦料楊雄誰可

敵才高太白善無鄰清心鳴鏑增豪氣刮膜神篋淨
俗塵唯有訴窮疑太過文章從古忌悲辛

雪作

朔風吹雪應嘉時款款空庭靜夜知歲稔不須占瑞
謀家貧尤喜映書帷花雖無艷難爭巧舞不成行也
自竒病起老翁迷眼界寒牕呵筆彊裁詩

招親舊賞花

名花朵朵向人開家釀沉沉旋撥醅咫尺晴川風更
便追歡何惜片帆來

安人生日

聞道防秋吉語來生朝宴席爲君開黃花也似知人意爭挽歡聲入壽杯

聞大帥勇決直趨北界喜而作此
牙旗動處擁貔貅直渡黃河塞草秋百萬胡兒陣前死肯教衛霍獨封侯

次韻王周伯和應文詩

先生詩興浩難收苦思俄驚兩鬢秋變格競傳吳富體懷沙擬續畔牢愁會令後學輕焚藁消得時名號倚樓我老恨無青玉案錦囊分示若爲酬

應文監視刈穫有詩輒和一篇恐以一飽廢學

因而勉之

杖藜何日下西疇想見欣逢歲有秋可但聚糧供腹飽還應釀秫散眉愁決科佇看標金榜得路終期待玉樓莫把光陰等閑弃一朝清問要人酬

九日用前韻

間裏光陰逐水流重陽忽復故園秋休言白髮從教老試插黃花也解愁感舊有時曾落帽憑高無力更登樓昏昏病懶唯堪睡詩債休催未暇酬

走筆戲呈世叔伯達二親友

老來無計了殘年只有歡情寄酒邊歌舞借看真達

士忍將朱戶鎖嬋娟

次韻周伯見贈

幼子童孫乏寸長遷官同日被榮光
芝蘭瑞色來空翠雨露恩言滿
詔黃莫訝飛騰循九品會看毫末聳
千章卽今天子收羣策廊廟託謨要主張

用前韻

百歲休誇日月長十分逾八歎流光
精忠許許國心猶赤老病催人髮已黃
扶杖每聞宣鳳詔望雲無路仰龍章
恢圖幸有臯夔在坐看朝綱萬目張

次韻方守送進士

下詔徵多士彈冠動四溟
三場遵舊典八韻見明經
勸駕勤州牧吟牋詫地靈
春風歸路近衫色照山青
次韻周伯謝綿襖長篇

最宜爲誥唐仲舒上林子虛漢相如
喜君萬事懶着眼獨向文章情未踈
家貧肯戀儋石儲船漏則已那復初
素志蹉跎雪侵鬢青衫匍匐塵滿裾
可憐虞翻屯骨相相逢呼我丈人行
夜聞抵掌論開邊怒髮衝冠一何壯
驕裘典盡終諱寒忍寒悲歌行路難
綈袍恐貽范叔怒長篇忽拜烏絲闌
辭章典要古所尚餘子碌碌何足仰
願君回筆頌臯猷偃武修文荅靈貺

天子亟欲聞盡言前席還應虛黻纘
老夫辭榮里居行年八十酒間謾成拙句二首
莫笑樽前白髮翁曾騎竹馬戲元豐年彌八帙癡頑
在身荷三朝寵眷隆綠野敢將前哲比香山幸有老
人同興來尚欲尋幽去收拾殘春杖履中
老病辭榮日月邊歸來擬作地行仙飛霜滿髮三千
丈止水觀心八十年松菊雖存堪寄傲干戈未定敢
安眠君王宵旰圖恢復洗眼神兵策萬全
不請親舊以老夫年及中壽既辱臨况又多以詩詞

相慶祝願衰謝何以得之輒成鄙句叙述感悰
老來光景去駸駸親舊應多惜老心傾蓋義高雙白
壁開函詩敵萬黃金催年生怕玲瓏唱醉夜寧辭鑿
落深多謝慇懃祝彊健寄言衰病莫相侵

老病

蕭然華髮映蒼顏九帙開來第一年鍊盡交游難諱
老養成衰病却安禪新春已負登山屐舊賞空慚載
酒船張緒風流那復少坐看飛雪弄晴煙

送釜孫省試

英髦雲集幾千人羣試爭看藝絕倫一鼓舉旗先作

華陽集 卷之三十一
氣三場下筆要如神決科無失青氈舊拜賜重添綠
綬新秀發孫枝吾欲見夢魂已到上林春

次韻洪總領題花信亭得江樓二首

誰爲傳花信新亭破睡風春回芳意早客到賞心同
酒盞搖江渌詩牋照坐紅無由接歡宴危坐正書空

二首

地勝宜樓觀臨江勢屹然橫波吞翠壁倒影插雕椽
老子難收興雲安未足憐由來詞翰手五鳳獨居前
見華陽舊題刻石有感

舊句入貞珉新題亦已陳光陰如許速誰是百年人

高下 某上章辭免召命蒙恩矜許仍賜羊酒存問自
景王念衰殘辱此異數不勝感天荷聖之情謹課成
賦拙詩一首

昧死飛章上九天懇辭嚴召卒餘年綸言寵念桑榆
迫臺餽恩垂雨露偏異數一時真創見窮鄉萬口徧
誇傳吾衰忝肩知難報結草它年敢避先

某上用前韻

召節煌煌下帝關君王圖舊起高年露章懇避回天
速拜命歡呼壓地偏錫饌宰官侵夜到問安州牧置
郵傳辭榮有耀人皆說誰解清時獨占先

考妣贈官一時榮耀老懷易感輒敬書長句
絲綸五色錦爲囊寵贈雙親廟室光位列三孤升極
品名加大國啓新疆劬勞仰荷湛恩報精爽應知積
慶長燕及子孫宜勉力忠勤他日繼遺芳

送彥禮弟赴欽尉四首
莫辭官小路間關趁取春風穩着鞭無限清時推轂
手冲天何必待三年

池塘春草促君詩阿緒風流絮欲飛滿眼吾家好風
景正須相賞忽相違

高才自是古梅仙綵棒何須向壁懸晉盜奔秦無一
事爐薰深炷好安禪

空詩羞澁送君行老病難堪叙別情天假吾年未填
壑它時猶及問歸程

舊所乘馬老且瘠見之感懷

人衰馬亦老不踏長安道筋力漸疲羸鞍韉謾華好
見我勿嘶鳴爲爾動懷抱無復矍鑠時去去飽豐草
夜思出處因作戲言

仕路定風波人生能幾何時來聊試手爲瑞不宜多
老來交朋淪謝雖婢僕亦無在者感舊忽覺凄

然

故交淪沒水東流歲晚無人話昔遊飛絮落花何足
道忽經風雨亦添愁

外思出表因手題言

書世美題名且錄見之

華陽集卷第三十八

金壇後學于孔兼校

挽詞

顯仁皇后挽詞三首

輔漢陰功大生商寶運開俸從湯邑省恩向外家裁
奄忽乘仙馭劬勞動聖哀園陵奉遺誥終不費邦財

二

長樂坤儀肅思齊母道全九州供大養八帙茂遐年
伏簇江山外哀纏日月邊遺芳歸史筆萬古照青編

三

華陽集 卷之三十八
伏去慈寧殿神歸永祐宮問安迷輦道灑泣慟宸衷
水逝長江月天號宰木風平生尚慈儉流澤到無窮

鄭國太挽詞四首

五福兼全舉世稀庭闈早日見清規應期千載生公
輔掩迹三遷號母師漢魏疏封華國史蘋蘩遺德繼
周詩年年只說重陽近無復黃花酒一卮
一夕萱堂事已非百年遺範在豐碑頌花玉殿春風
暖奉詔登樓夜漏移罷宴已聞修故事回班那復見
新儀音容寂寞應仙去香火因緣只自知
蘭桂秋風一夜催衮衣何處望南陔堂堂斗帳銷香

篆鑑掩飛鸞下玉臺漢使從天虛鹵簿胡笳和月助
悲哀東門咫尺佳城在雙鶴飛空日幾回
銘旌冉冉去飛揚蕭瑟西風泣盡堂不見魚軒辭繡
轂空餘鸞諾冷綃囊姓名自是標仙籍環佩應知返
帝鄉盡把遺芳歸史筆會令千古獨輝煌

何丞相挽詞三首

一德乘亨運三公冠宰司秉鈞回直道解組向明時
人去空圖畫名存粲鼎彝懸知千古後貪懦激清規

二

帝念虧三鑑天臨動八鑿飛星瞻傳說舊學記甘盤

治定身先退名全德不刊於何驗符策有子嗣鴛鸞

三

不愁遺元老巖巖失具瞻勲庸扶廟社名字到閭閻
王國開封大師垣寵數兼夢雞初莫省今日竟成占

譚勝仲挽詞二首

詞伯風騷舊公朝宿望存郎官寧出宰廷尉亟平反
夢斷天衢遠愁連野樹昏祇應陰德茂蘭玉照于門

二

時論歸清德耽書到白頭士應知已用人豈法家流
骨瘦凌孤鶴詩豪壓萬牛悲看耆舊傳誰復繼前修

湯德廣挽詞三首

四海知名士三朝老從臣勤王安反側分闡試經綸
天闊鴛鴦行斷山空馬鬣新豐碑滿忠義千古詔簪紳

二

忠憤憂時切風雲得路先官箴循吏傳家法棣華篇
滅虜兵方急優賢席屢前如何天不愁高冢臥蒼煙

三

東髮師前輩忘年得此翁雞豚同里社詩禮共家風
別去十年久書無三月空歸來人不見銘旌舞斜紅

張彥度挽詩二首

京兆吾宗不乏人煌煌朱紱照簪紳
崇陰訟簡絃歌樂蓮幕才高畫諾新
北海但知樽有酒萊蕪誰念甑生塵
哀笳忽送秋風急忍看遺蹤萬古陳
滿目溪山舊賞心杖藜那復共登臨
平生友誼情無間累世宗盟分更深
顧我老懷誰告語思君逢夜獨悲吟
流風賴有諸郎在他日相親儻嗣音

莊弱翁挽詩二首

厚德鄉評最知名國士同郎曹參列
宿宰屬輔宗工紫詔恩垂下黃梁夢已空
九原那可作流涕濕西風

二

仕路青霄逼還家白髮生一麾驚昨夢
三徑適幽情孰謂如蘭契先隨逝水傾
送君悽斷處煙雨暗銘旌

胡氏碩人挽詞二首

吾舅當朝傑幽芳配德同典刑家法整
湯沐上恩隆鸞影悲塵鑑蘭芬泣露叢
音容不知處宰木夜號風

二

我有劬勞念多從外氏游母儀頻接待
賓饋每淹留應惜年垂老相親禮特優
一朝千古別衰淚不能收

舅李侍郎挽詞三首

射策飛騰早推賢望實兼直心常自負
大器果難淹

二 李公復詩三首

持橐丹墀穩分符畫戟嚴平生莫追憶淚盡轉愁添
諸舅唯公在承顏念母存笑看身已老情話意彌溫
不作求田計方期報主恩高堂忽蕭瑟誰為賦招魂

三

疆健公先去零丁我曷從同盟空白水酷似有衰容
休說鷓鴣行夢看成馬鬣封淚流南望眼愁絕暮雲重

洪慶善挽詞二首

畫省真郎選朱轡老郡侯名歸時論重行向古人求
嗜學千雞跖修文五鳳樓秋風忽驚夢懷舊涕交流

二

忝戚鄉閭舊論交道義深窮搜千古意樂易一生心
遭謗身雖貶全名死不沉君恩為昭雪歸窆得家林

吳氏太淑人挽詞

生兒要路早飛騰玉瑱金花寵屢膺天壽康寧逾九
帙佛心明了契三乘葭莩永歎音容阻閭里空存孝
義稱追想潘輿從游處青青煙草正愁凝

陳叔美挽詞

坦腹東牀眾莫奇堂堂吾弟獨君知交親未及親三
歲淪喪俄驚共一時琴在我方悲子敬禮存誰為哭

言思山阿幽室千年閔挽語空吟靖節詩
外祖李承事挽詞二首

總角承顏賴擊蒙後生因識古人風忘情自到羲皇
上盛事多談慶曆中雙壽兒孫青若若一門慈孝鬱
葱葱吁嗟耆舊今何在古木斜陽瀨水空

西山忽與老人期未報深恩忍復思燕及祖風從少
小與聞家訓識操持聊從諸舅紀遺行深媿外孫無
好辭懸想追封在他日附書名傳有佳兒

舅李義卿挽詞

由來甥舅兩相依存沒誰知半路虧在側每蒙誇叔

寶不才那得似牢之臨風酌酒酬春處對月憑軒語
夜時回首淒涼已陳迹壯心無哭奈愁思

沈洞元挽詞

天闕辭嚴召雲棲得坐忘尊生三洞錄起死上池方
神託飛魚化丹餘舊竈香從今紀甲子華表佇還鄉

徐獻仲挽詞

一尊相別未經時情話如今忍復思老去交親能有
幾年來懷抱更誰知谿橋路斷秋風急香火庭空曉
日遲三尺孤墳閉千古傷心東望涕交頤

丁宣仲挽詞

回首三年別追懷一笑歡坐移香砌暖飲散燭花殘
蒿里歸何速桃蹊忍更看秋原愁絕處爲想鶴鷄寒

李居正挽詞

白首論交舊黃冠獨此人誠全知俗薄語直見情親
上館鍾魚在空壇月露新如今入山去行處是悲辛

丁明仲挽詞二首

世德知名早鄉評第一流折腰官易厭拄頰興難收
博物千尋海高情百尺樓平生松菊徑蕭瑟晚雲秋

二

里社欣相接葭莩晚益親過從忘客禮簡易見天真

把酒微風夜歸舟細雨春如今每追憶悽慟欲傷神

陳美成挽詞二首

望族推平輿清芬嗣太丘鄉評嚴禮法家學邃源流
幸託葭莩契方期杖屨遊西風忽悲慘忍復看眠牛

二

德潤洮湖闊心平福地安流風前輩似雅量鄙夫寬
松菊開三徑芝蘭秀二難百年如轉燭蕭瑟夜堂寒

丁宋卿挽詞

舊約頻相過交情忍獨違四時閑杖屨一榻冷煙霏
易感龍祠別難期鶴馭歸老懷誰共語東望益霑衣

彥飾弟挽詞二首

吾家奕奕茂芝蘭士論尤推季孟間挾策可憐場屋
老杜門空對水雲間嗟余屏迹常多病幸爾論心數
解顏乘興過從無復日忍將愁眼望西山
解組歸來會面初杖藜朝暮過吾廬相親樽酒情無
間共話田園樂有餘樗散年頽方倚託棣華風急頓
蕭疎堂堂人物無高壽不那哀傷淚滿裾

彥深弟挽詞

憶弟懸弧日當余弱冠年艱勤同素志衰病各華顛
辭祿歸相倚驚覓去忽先一樽風雨夜那復共蟬聯

陳子張挽詞二首

地發湖光秀神鍾鶴骨清高談排俗子執友遍時英
枳棘鸞棲在松楸馬鬣成欲收東望眼流涕若爲情

二

交契先朝露淒涼對夕暉箕裘三世遠簿領一官微
翠柏開新隧青編冷舊幃元方未慚長萬里看橫飛
堅所生母李氏安人挽詞五首

僊李移根遠天桃表慶長九重頒象服三世奉萱堂
尚想慈祥性難追淡靚粧眼酸生怕哭雙淚忽淋浪

天桃事
見後

二

四德騰芳早三乘悟性空清修忘俗累勤儉肅家風
舞鏡鸞悲影飛花雨泣叢愁情無處着半入夢魂中

三

舊約余偕老分違汝忽先有懷中饋闕無憾母儀全
望斷送歸路哀纏垂盡年何當下同穴相與伴愁煙

四

七帙開逾半孤芳散若飄可憐頻舉案那復記吹簫
翠幌浮埃積熏爐舊炷消如何寄懷抱細雨夜蕭蕭

五

華陽集卷第

長短句

念奴嬌

次韻蔣仲遠是日醉甚逃席

論思厭久動尊鱸清興輕辭丹極佩玉腰金歸故里
光照湖山秋色八坐儀刑九重尊寵才大今詞伯漢

庭豪俊一時誰是勅敵 三徑舊日家聲華堂深穩

處頻開瑤席春在壺中真自有一境珠宮仙掖譚麈

揮風罰壽如蜩數困樽前客故應元放舉杯狂醉輕

擲

全地復學于文熙校

樓西風年

二

四德騰芳早三乘悟性空清修忘俗累勤儉肅家風
舞鏡鸞悲影飛花雨泣叢愁情無處着半入夢魂中

三

舊約余偕老分違汝忽先有懷中饋闕無憾母儀全
望斷送歸路哀纏垂盡年何當卜同穴相與伴愁煙

四

七帙開逾半孤芳散若飄可憐頻舉案那復記吹簫
翠幌浮埃積熏爐舊炷消如何寄懷抱細雨夜蕭蕭

五

華陽集卷第三十九

金壇後學于文熙校

長短句

念奴嬌

次韻蔣仲遠是日醉甚逃席

論思厭久動尊鱸清興輕辭丹極佩玉腰金歸故里
光照湖山秋色八坐儀刑九重尊寵才大今詞伯漢
庭豪俊一時誰是勅敵 三徑舊日家聲華堂深穩

處頻開瑤席春在壺中真自有一境珠宮仙掖譚塵
揮風罰壽如蜎數困樽前客故應元放舉杯狂醉輕

擲



原件短缺

P8以后缺

二次韻李公顯木犀

多情宋玉值西風
搖落悲秋時節賴有幽芳深解意
的皜枝頭爭發欲語含羞歛容微笑心事如何說暗
香時度捲簾留伴霜月 誰為賦寫仙姿揮毫落紙
有樽前詞客獨倚闌干須信道消得孤吟愁絕補闕
騷經拾遺香傳頓許居前列品題多謝一枝當為君
折

青門飲 京師送王敏求歸鄉

踈柳飄零暮鴉寒集都門送客斜陽影裏野色沉沉
翠微隱隱遙指故鄉雲外聚久交情厚對西風爭忍

分袂飲散賓朋畫船去也平蕪千里 因記小軒無
寐觀夜月凭闌共論深契絳帳清閑杏檀優暇當念
宴遊同醉南北煙波遠願無忘音書頻寄未知名宦
拘人異日相逢何地

驀山溪 甲辰生日

小牕開宴草草杯盤具歡喜走兒童慶生朝一年一
度風光好處恰是小春時香泛泛酒醺醺一曲歌金
縷

吾今已醉解作醒時語千里念重親望家山雲天盡
處深深發願只願早休官居顏巷戲萊衣歲歲長歡

聚

臨江仙

次韻陳少陽重九

綠醴浮觴香泛泛黃花共薦芳辰清霜天宇淨無塵
登高宜有賦拈筆戲成文可奈園林搖落盡悲秋
意與誰論眼中相識幾番新龍山高會處落帽定何
人

二 堅生 生日

追想京都全盛日蓬弧初記生時朝來朱紱照庭闈
誰知衰謝老還有寧馨兒休說藍田生美玉舉杯
聽取歌詞年方彊仕未應遲高風輕借便一鶚看橫

飛

滿庭芳

生日

十月風光小春時候燕堂初啓朱筵博山雲潤風細
裊晴煙坐有文章公子爭吟唱詩滿花牋簾帷裏時
聞笑語今日間生賢郎潛雖未貴虛名自有清議
推先更那堪高堂重慶兼全占取人間樂事何必羨
玉帶貂蟬飛觴處深深更祝龜鶴永齊年

二 榮國 生日

風軋雲低寒催臈近畫堂和氣先春玳筵初啓佳會
慶生辰漏轉高張寶炬重簾邃深炷爐薰歡聲裏清

華陽集 卷之三十六 三
歌間發一曲繞梁塵 慈闈春不老山河象服恩被
絲綸占人間榮貴蘭玉洗洗便好金尊盡醉殷勤勸
須滿十分深深願斑衣拜舞千歲奉靈椿

萬年歡

榮國生日

歲晚寒凝正萸萸四葉梅吐孤芳慶誕佳辰開筵盛
集萱堂合坐春回錦綉捲簾處花簇笙簧除樂禁初
許聞韶應時歡宴何妨 人言富貴最好算有誰能
兼福壽康彊自是仙姿美教占取恩光百和重添寶
炷十分勸頻舉瑤觴仍教畫嘉慶新圖要看蘭桂成
行

浣溪沙

榮國生日三首

羅綺爭春擁畫堂翠帷深處按笙簧寶奩頻炷鬱沉
香 海上蟠桃元未老月中仙桂看餘芳何須龜鶴
頌年長

莫辭頻

臘日銀罌翠筦新潘輿迎臘慶生辰捲簾花簇錦堂
春 百和寶薰籠瑞霧一聲珠唱駐行雲流霞深勸

莫辭頻

三

象服華年兩鬢青喜逢生日是嘉平何妨開宴雪初

晴如酒勸十分金
繫落舞催三疊玉
娉婷滿堂歡笑
祝椿齡

四
安人
生日

過隙光陰還自催
生朝又送一年來
宴堂深處彊追
陪
眼眩豈堪花裏笑
眉攢聊向酒邊開
與君同醉
莫辭杯

點絳脣
榮國生
日二首

飛雪初晴曉來佳
氣生庭戶
寶薰籠霧
簾幕香風度
鶴髮龜齡堂上
潘輿駐花深處
緩歌金縷
莫惜杯

頻舉

二

羅幕重重畫堂迎臘
和風轉玳筵高展
知是羣仙宴
銀鴨香浮紅袖
翻歌扇
金杯勸深深
祝願爭把蟠
桃獻

江城子
和呂丞送
進士赴省

寶津樓下柳陰重
畫橋東
戲魚龍
聞喜當時開宴盛
儀容遙想新年
尋故事
扶醉帽
夕陽中
可憐衰鬢
颯霜叢
借醅紅
遣愁濃
夢入長安
驚起送飛鴻
直下
青冥休避路
九萬里
看搏風

綠頭鴨
次韻王
伯壽

歛晴煙桂華如水輕寒宴中秋朋簪
朱顏罄樽罍興吞海量妙歌吹聲徹雲端獨念衰殘
彊陪歡笑恍然感舊覺悲酸功名志黃梁曉夢老去
奈何天休追悔天應教人羸取身閒想姮娥情都
如舊也須知我貪歡柰潘鬢霜蓬漸滿况沈腰革帶
頻寬月有重圓人誰長健一回相見一回難王夫子
看君風度何不早彈冠莫學我年年對月扶病江干

二次韻陳
季明

愛家山坐來心與雲閑念平生功名有志暮年多病
知難眷簪纓未容引去奈猿鶴久已催還松菊關情

尊鱸引興昔人高韻照塵寰細追想山林鍾鼎從古
罕兼全歸來好皇恩賜可拂袖欣然望西清猶叨
法從夢竟寧隔台躔時七松便爲小隱開三徑且樂
餘年賓友相過雞豚爲具從容聊作飲中仙君試聽
陽春佳闕今日恰新傳休辭酒從教醉舞蹈碎花甃

感皇恩

休官

解組盛明時角巾東路家在深村更深處掃開三徑
坐看一川煙雨故山休笑我來何暮苦貪富貴多
憂多慮百歲光陰能幾許醉鄉日月莫問人間寒暑
興來隨短棹過南浦

朝中措

安人 生日

年時生日燕高堂歡笑擁爐香今日山前停棹也須
隨分飛觴東陽太守攜家遠去方遡桐江把酒祝
君長健相隨歸老吾鄉

二

前年十二月十八日入對遂除
吏侍今在婺逢臘月十八日也

前年初對大明宮寒律轉春風幾度鄉關歸夢催成
兩鬢霜蓬山州歲晚還逢令節空記前蹤莫遣酒
兵相向愁城生怕頻攻

三

臘日

休驚初臘凍全消旬日是春朝梅吐芳心半笑柳含

青眼相撩風光如許那知太守老去無慘乘興方
思把盞歸心已逐輕橈

鳳栖梧

安人 生日

五日小春休屈指花發西軒早已傳春意應為高堂
催燕喜一枝得得來呈瑞綺席初開雲幕邃蘭蕙
騰芳人在蓬壺裏壽酒滿斟那惜醉錦囊行拜恩封
貴

二

雨洗軒庭迎晚照黃菊纔芳未覺秋光老恠底烘堂
添語笑姮娥此夜來蓬島獻壽新詞誰解道滿眼

兒孫着語皆爭巧
歛灩金杯休惜醕
追歡不怕霜天曉

三 婺州席上

風勤飛翼迎曉霽
銀海光浮宴啓羣
仙會騎省流芳
誰可繼樽前看取
連枝貴
華髮衰翁羞晚歲
未報皇恩尚忝專
城寄酒入愁腸
應易醉已拚一醉酬君意

四 癸未生日

老去光陰驚掣電
生長元豐試數今
誰健多謝天公
憐歲晚清時乞得身閒散
憶昔生朝叨睿眷
臺餽頒恩內酒當筵
勸今日衰殘歡意鮮
舉杯目斷堯天遠

五 丁宅二侍兒

緩帶垂紅雙侍女
綵鳳銜來秀色生
庭戶轉蕙光風香
暗度回眸綽約神仙侶
寡和清歌聲激楚
夜飲厭厭勸我杯
頻舉只恐酒闌催
暮雨憑誰約斷陽臺路

好事近 梅柳

梅柳約東風
迎臘暗傳消息
粉面翠眉偷笑似欣逢
佳客晚來歌管破
餘寒沉煙裊
輕碧老去不禁卮

酒奈樽前春色

菩薩蠻

上元

重簾捲盡樓頭日華燈萬點歡聲入老病莫憑欄一
城星斗寒 艷粧翻舞雪目眩紅生纈不是故無情
羞君雙鬢青

香韻二回

南山只與溪橋隔年來厭着尋山屐臥對曲屏風淡

煙疎雨中

功成投老去判作林塘主萬事不關心

酒杯紅浪深

清平樂

上元

紅蓮照晚花底明人眼無限遊人誰惜倦只有衰翁
心懶 笙歌緩引更籌更闌客散添愁香霧半牕幽
夢煙波千里歸舟

人月圓

壬午生日時初遇會慶節至翌日小集

封人祝望堯雲了歸路藹歡聲何妨明日開筵笑語

聊慶初生 官閒歲晚身猶健蘭玉更盈庭持杯為

壽從教夜醉誰怕參橫

西江月

壬午生日

易老方驚晚歲難禁又報生朝從他華髮轉蕭蕭且
共尊前一笑 為具隨宜餽釘烘堂不用笙簫只煩

歡伯散無慘醉裏追回年少

惜分飛

次韻子希閱

年少春心花裏轉只恐飛花片片沉醉歸深院妓衣

何用令高捲要看梁州初入遍放出樓中舞燕有

眼何曾見看來未足重開宴

佳人減字木蘭花

安人

思堂醇醑滿酌金杯爭獻壽記取年時頭白成雙唱

舊詞莫言秋晚五日小春黃菊綻折一枝來綸誥

金花要並開

華陽集卷第三十九

華陽集卷第四十

行狀

通直郎大理寺丞洪歲撰

故資政殿學士左通議大夫丹陽郡開國公食邑

二千二百戶食實封一百戶致仕贈左光祿大夫

張公行狀

曾祖俊贈太子少保妣朱氏贈普安郡夫人祖琪

贈太子少傅妣王氏贈齊安郡夫人父翺任右朝

議大夫致仕贈少保妣李氏贈榮國夫人

公諱綱字彥正姓張氏出自姬姓黃帝之後少昊青陽氏第五子揮爲弓正始制弓矢子孫因賜姓焉周宣王有卿士張仲其後裔事晉爲大夫至唐支派漸廣世居河朔有官于潤者遂家金壇曰銑上柱國曰連主楊州六合簿寶應正元制書具存南唐李氏考定其書以其家爲是邦衣冠之裔公自叙譜謀載本末甚詳由高祖王父而下皆晦迹以德行稱鄉里逮公登二府三代贈官保傅榮及九族矣公幼而穎悟沉厚寡言始入小學與羣兒伍特不好弄鄉先生授以經史一覽輒不忘由是日記數千百言衆咸駭服

父少保喜曰張氏種德積善後世必有大吾閭者其在此兒乎十歲能屬文出語不凡同舍生歛衽畏避時少保之子唯公一人公晝則幹蠱夜則讀書積日累月身修學成猶未忍離親側少保屢勉之年二十始入縣庠居無何試藝優長升補泮宮方舍法盛行游學之士肩袂摩屬公偉然傑出冠於諸生郡將尚書俞公臬一見異之期以公輔大觀四年褒然爲舉首貢入辟廱繼升太學方是時承平日久京都以侈靡相尚士之不悅紛華盛麗者十無一二公獨深居簡出潛心大業至不知飢渴寒暑流輩初易之久而

見其志趣益篤問學益精每羣試輒處上游乃更推服質問疑義或握衣就弟子列四方人士聚於成均無慮數千人語學行之懿必以公爲稱首政和三年試內舍第一明年以優等較定試上舍主文尚書張克公見公程文稱歎不已謂邃於經術遂復擢爲第一是年四月七日天子御崇政殿賜上舍及第釋褐授承事郎 玉音宣諭張綱係三中首選可特除太學官臚傳旣下在廷歎仰蓋一時異恩前此所未有也宰相蔡京與張克公不協故特抑之後數月始除辟龐正當時好事者以本朝衣冠盛事編次爲圖載公三魁之美摺紳榮之五年除國子正蔡京方用事必欲使天下士盡出其門朋附之徒有朝處奧滌而暮躋華要者唯公守正不阿初賜第旅進一見而已絕迹不再往京以公爲時第一流人意欲羅入已黨頻遣所親致委曲且曰儻能屈意相從簪橐可立致公曰富貴在天蔡氏其如予何京聞其語大銜之徽宗皇帝屢欲擢用公京但於學官中時一改除勉從 上意爾公久在學校諸儒敬服旣橫經上庠以師道自任循循訓迪卒歲忘倦六年八月除辟龐博士一日忽有 旨召對便殿公自謂起踈遠荷 聖

主特達之知思竭忠言冀以感悟淵聽既見上首
論朝廷用人當分別邪正以謂方今之患在於君子
小人混淆而莫辨 陛下儻奮乾剛擴離明詢之以
言試之以事稽諸古訓格以僉言則邪正不啻白黑
之易見不然將恐小人得志無所忌憚或苟且以害
成或邀功而生事其禍有不可勝言者又論奢侈之
弊以謂民之化上捷於令 陛下履豐亨豫大之期
固嘗憂風俗侈靡而下戒飭之 詔矣然而背本趨
末日甚一日流蕩而不返臣愚以謂 陛下不率之
以躬行之教未見其能革也 陛下誠能以 祖宗

躬行之教爲法其不合於 祖宗者一切去之則天
下雖大有不難化者公儀貌端偉音吐洪暢所言切
中時病 上爲之改容嘉納獎諭數四除秘書省校
書郎蔡黨聞之大怒益欲逐公而未有間也七年磨
勘轉宣教郎明年竟爲蔡氏所擠韓駒張忞輩凡與
公厚善者二十一人俱在遣中得主管成都府玉局
觀以歸宣和二年五月依元豐法罷宮觀八月磨勘
轉奉議郎三年閏五月再除秘書省校書郎兼修國朝
會要明年兼校正 御前文字 上方崇儒重道博
彙羣書公洞貫九流多識奇字校讎天祿是正魚魯

功實多焉。朝廷議遣童貫蔡攸宣撫朔方。公上疏極論不可出師之狀。且引易大君有命開國承家。小人勿用必致亂邦之語。書奏爲持權者沮格不報。公憤惋久之。繼傳郭藥師歸順。蕭后納款收復燕山。捷音踵至。在朝莫不相慶。唯公憂懼益深。至忘寢食。暨遭靖康之變。人皆謂公有先見之明。十二月除著作佐郎。五年八月入尚書省爲屯田員外郎。十一月磨勘轉承議郎。初王黼秉政威權浸專。公惡其爲人。雖同僚以職事見公。亦託疾不往。周旋數年間。竟不識黼之面。黼憾之。公在職年餘。徽宗皇帝一日取班籍指公名謂黼曰。此人馳譽文場。行實相稱。可與除近上差遣。黼設辭障蔽。竟不得遷。七年六月改司勳員外郎。九月磨勘轉朝奉郎。十二月北虜渝平。兵及畿甸。公夙夜憂憤。謂所親曰。方今國步阽危。吾處下僚。不獲與聞朝論。然苟有可以効節者。不敢不勉。乃爲書與父母訣。獨留老卒垂二繩於梁間曰。都城脫有不免。與其辱於犬羊之手。不若就死于此。於是乘城晝夜守禦四十餘日。旣解嚴。有旨登城及月者例遷一官。公曰。主憂臣辱。義則當然。顧可因此以幸。賞邪。卒不自言。靖康元年三月遇。欽宗皇帝登寶

位覃恩轉朝散郎是時少保榮國以公久在圍城中音問不通積憂成疾公得家問卽上章丐祠於是以公爲兩浙路提點刑獄公事陛辭之日上宣諭曰朕知卿不阿權貴操守方嚴故授卿此職切宜爲朕愛恤百姓公頓首受詔還家方浹旬復被召赴闕大臣傳上旨欲除公橫榻公方迎醫就養籲天有請辭甚哀切欽宗皇帝雅知公無兼侍特可其奏及聞二聖北狩張邦昌僭竊遂弃簪紱移病告老忽傳太上皇帝踐祚於南京詔至之日公病立愈自陳乞就職時浙憲已別差王詡矣建炎元年

遇太上皇帝登寶位覃恩轉朝請郎駕幸維揚降旨召公赴行在所公以二親垂老力辭遂再除兩浙提點刑獄公事四年七月復除司勳員外郎公又固辭乃還浙憲紹興元年磨勘轉朝奉大夫二年改除江東提刑是時戎馬初息民力未蘇公到官撫摩凋瘵惠恤鰥寡屬吏之贓汙不法怠不舉職者悉按劾無少貸諸郡詳覆具獄躬親省閱必以情刑名或不當駁正之吏以舞文抵罪與夫民有寃而獲伸者非一自中原倣擾士庶或盡室嬰禍事既定往往立子爲繼而於法不合承絕家財產坐此牒訴紛然

公具奏乞將已絕命繼之人視出嫁女等法量許分給又鋪兵依條不許別役而無立定罪名公乃乞比附巡轄使臣私役法一等科罪今皆著令實自公發之凡州縣事有未便及民所願欲而未獲者皆罷行之不可槩舉統兵官王進駐池州兇暴放肆凌蔑州郡有曹官以小事忤進遂釘其手於門上聞其事詔公體究時國勢未安諸將皆有輕朝廷心公到池陽進擁鐵騎數百突至輶車之前衆頗失色公不爲禮入傳舍廉問得實立進數責之進叩頭伏罪自是不復越紀律公巡歷所部訪民疾苦未嘗休息迄

冬奔馳道路居鄱陽公廨止數十日而已凡爲民去害建利唯恐不至席未及暖而江東九州無違便吏歛手不敢爲非公在任及所過州郡饋送絲毫不受下車之初廨舍所列器皿謂之併淨例皆一新公卽令公帑緘封以俟後政所用唯隨行瓦木之器比去悉以所緘封者揭于榜歎曰民之困弊未有甚於此時而有司供帳視承平不少減吾忍用之哉至今士大夫相與語廉節者多舉公此事爲師法太上皇帝方銳意於治二千石刺史之賢否靡不周知一日顧宰臣盛稱江東最績遂以左司召公入對極論

天下事 上擊節稱賞有大用之意公又言監司守
臣數易之弊及州縣獄囚瘦死吏無考課法 上嘉
納之三年正月兼中書門下省檢正諸房公事二月
除起居舍人是時北虜漸退川陝屢捷公恐中外苟
安上疏乞益嚴邊備又乞舉行 仁宗皇帝故事諸
路帥守替日各令條列利害五事以上畫一具奏後
皆施行五月除中書舍人公文思敏贍凡得詞頭卽
時具草未嘗稽留方多事時書命填委公灑翰泉涌
事辭俱稱 玉音稱獎謂比年詞臣鮮能及之自擾
攘以來史筆未修雖 詔論譔而秘省權輕關會稽

失公建言乞依 祖宗故實委大臣兼領史事卽日
詔宰臣呂頤浩兼修國史至今遂爲定制北虜初議
和 朝廷數遣使而虜情叵測廷臣以預選爲憂公
獨奮然請行大臣以公姓名進 上曰張某親老且
詞命正有所賴朕將委以北門之任矣公聞之感泣
未幾榮國病甚乞外祠章十餘上不許遂 賜告迎
侍還鄉繼被 旨趣歸甚峻是冬還 朝供職四年
正月兼詳定一司勅令尋除給事中公由江東憲蒙
召擢不二年間致身法從自以遭時遇 主古人所
難知無不言未嘗有分毫顧望意是時獻言者交章

公車每付給舍看詳公曰祖宗成憲具在患不能舉行捨是而一切紛更何益自非卓然可用皆報罷或挾勢以彊公卒莫能得大將有以軍中田產乞不起稅爲言者朝廷欲從其請公毅然以爲不可先是推恩元祐黨籍子孫許其自陳一時有司失於限制來者不止公建議以崇寧初年所定碑刻九十八人爲正又軍興以來小人乘時召亂經涉五年而仇怨告訐連蔓不已公上言乞截日蔽囚後有告者勿受庶以廣好生之德事卽施行而潭帥申請委曾焚劫爲首之人請論如法公復奏駁上卒從公議是

時所在狴犴填溢一旦釋遣皆洗然自新爲良民矣公又論舉將帥修戰艦淮南官冗軍糧闕乏科敷弓料私置稅場及宿衛單寡等皆一時急務舊法應庶官至中大夫止若太中大夫非侍從不遷謂之止法宗室有特旨轉行太中者公因此上言崇寧大觀以來士風不競叨官竊寵不循資序遂至國紀大壞陛下慨然念治將欲大變其俗故前日冒濫之人大者追奪小者審量有識之士方竊欣幸以爲自是遵守祖宗之法今乃復違舊章超遷官秩臣所未諭上聞公言亟寢其命宣政大臣有上遺表復官推恩

者公力疏其諂諛誤國之罪以駁之舊相或以生計
自言乞借撥官田公引子產辭邑事以告于上貴
戚近侍凡所干求苟涉僥幸一切奏罷之人皆服公
不畏彊禦公在省闈二年凡命令有不當輒封還詆
斥權貴盡言切直無所回避風采振一時上亦知
公忠赤屢見褒美人以公居閒恂恂似不能言者而
臨事慷慨如此益知所蘊蓄與常人殊因爲之語曰
張公論事有回天之力今信然矣張俊以宣撫使屯
江上遣營卒持書至江州瑞昌縣卒怙俊勢見令踞
視出慢語且與獄囚有疑似之迹令郭彥參械繫之

俊訴于朝彥參坐免官公言近時州縣吏多曲意
迎合獻諛當路至不隨流俗能爲陛下奉法遵職
者蓋寡如彥參者謂宜有以崇獎之今乃黜免何以
爲剛直之勸時俊典領重兵專制閩外朝廷每務
優假駁疏旣上在列駭愕權要有爲俊地者公由是
不能自安俄解職提舉江州太平觀朝野無不惜其
去五年二月除徽猷閣待制七年三月再任江州太
平觀初少保以公恩封位至五品公旣奉祠歸養
備盡子職每歲時燕集或賓客過從公腰金侍立捧
觴上壽鄉人以為榮是年六月少保卒公執喪哀戚

甚勺飲不入口杖迺能行人謂曾閔不過也九年九月外除十月差提舉亳州明道宮十一年四月轉左朝散大夫公自轉正郎以朝廷多故十載不叙年勞至是有司始檢舉焉十二年至十四年凡兩請奉祠皆提舉亳州明道宮十一月磨勘轉左朝請大夫十六年丁榮國夫人憂方疆仕時每念親闈無手足之助暮年乃克躬色難之養温清甘旨未嘗廢離及榮國寢疾公屏去家事專務盥藥衣不解帶者累月居喪哀癯不自勝執禮逾於少壯十九年三月服闋五月差提舉江州太平興國宮二十年轉左朝議大夫

夫二十一年八月再任提舉江州太平興國宮二十三年公生七十年矣遂引年辭祿十二月得請轉左中奉大夫依前微猷閣待制致仕公任司勳郎官日秦檜以酬賞事屬公公據法以爲不可檜怨之及檜當國公絕不與通問一日檜謂公舅氏李朝正侍郎曰張夕拜正而不他吾所心服闕不聞問鄙我也李移書道其語公不荅閱歲檜數温前語色頗厲朝正復相告檜方專權睚眦必報大臣誅殺流竄者踵相躡士大夫重足一迹日虞禍及公得朝正書曰吾已無求於世矣京黼尚不爲之屈况檜乎檜由此益怒

至是乃祈謝事以卒素志二十五年十月檜死 太
上皇帝躬覽萬機圖任舊人共政不閱月召公落致
仕赴 行在所制曰七十而歸政古之道也古之人
亦惟曰無以事勤耆老云耳然至於壽考康寧抱道
懷德而諳練治體者則賜之几杖乞言詢事不懈夙
夜安有聽其引年而去不知寶貴如我今者具官某
時之耆僚朕所體貌給事東臺迨茲二紀而凜然風
聲猶著縉紳之間不爲朕留以老自請亦旣許之矣
載惟老臣之居國譬如合抱之喬木封植成材豈一
日積知材不顧人謂朕何是用起之丘園引對便殿
使朕不失貪賢之美而卿有不忘君之忠豈不休哉
安車肯來副我虛佇公以老疾爲辭 詔不允促行
甚亟公不得已就道都人以公年耆望重久閒復出
夾道聚觀爭先覩之爲快衛士之舊人識公者更相
告語咨嗟歎息之聲洋溢朝路公對便殿 太上皇
帝喜見顏間曰卿閒居已二十二年前日屢趣卿者
正欲速聞謹言耳首問當今治道之所先公敷奏甚
悉因論比年公道不行之弊亟蒙 睿獎對數刻乃
罷卽日除吏部侍郎方是時盡逐秦黨號召天下名
德之士咸處班列不數月間自執政至侍從臺諫多

公門人如魏良臣周葵湯鵬舉凌哲皆公昔所論薦一時服公知人之明且歎其爲當今舊德也秦檜當軸二十年士大夫不登其門者幾人唯公七任宮祠退藏深密未嘗以一毫干之而檜亦不少假借比公再登禁塗秦門舊客各欲詭脫蹤跡往往極口談檜之惡而公反不出一語或問之公曰今之因革惟公道是從豈以譎譎求勝哉由是更服公德量之不可及也十二月兼給事中二十六年兼侍講初講詩關雎一篇因后妃淑女之事歷陳文王用人以致規諫之意上褒諭再三且曰久不聞卿博雅之言今日

所講析理詳明深啓朕意公乃奏比年舉子鮮知經術宜令詞賦之士兼隸一經如紹興十四年故事庶免偏廢之患上深然之明年省試畢事遂施行尋權工部侍郎二月權吏部尚書自祖宗以來立公私贓罪三等之法以取貪殘之吏暨秦檜爲相復增民事一條凡麗於民事永不得注親民差遣公曰守倅今佐親民之官苟有所犯未有非民事者錮人聖世豈不重可惜哉亟奏罷之公晨入坐曹事無大小必躬自鈎考發擿按治吏無所容其姦士大夫希恩雪罪有數十年不決者公悉以法訂正可與者卽奏

與之因進故事極言銷金之費異時論事 楊前

上復以此爲問公口陳爲患甚大宜速禁止遂下

詔如公言三月再轉左中奉大夫五月大金賀生辰

使敬嗣暉入境 詔公館伴旣接見嗣暉謂其副曰

我自幼聞此公姓名今尚在邪由是執禮甚恭故事

觀潮浙江坐定潮至嗣暉舉前輩詩數十篇以問公

應荅如響中使入奏 上喜甚及事畢 褒寵異於

常時蓋嗣暉在虜中號知書虜以秦檜死選擇而使

之欲以覘吾國知公德望素著辯論不可屈故卒禮

而去無或違者會彗出東方 詔士庶實封陳言其

間貪競之徒以權貴人死意 朝廷必欲盡變其所

施設故其言不擇是非雜然並進公亟上疏謂求言

不可不廣聽言不可不察舉而行之尤不可不審蓋

恐疎遠之人銳於納忠有彊出新意而致衝改 祖

宗舊法者有取便一時而行之旣久不能無害者有

貪蠲復之名而不以用度較之致州縣不免暗取於

民者 上曰數日來朝臣獻言多矣唯卿所陳獨合

朕意大臣用心正當如此明日宰執奏事 上復宣

諭此語知公才堪丞弼遂除公中大夫參知政事公

入謝因奏臣待罪政府不欲令子弟仕于朝乞罷男

堅國子簿見任 上曰卿深鑒權臣私親之弊首變
前轍朕甚嘉之特依所乞厥後大臣爲子弟引嫌丐
罷者相繼有請遂以爲例初秦檜久擅政柄以嚴刑
峻法鉗天下口 太上皇帝慨然總攬盡去苛刻之
政自爾 詔令之下無非寬恤民力公建議以頒降
重複官吏奉行不虔恐民庶不能通知乃令有司看
詳取其切於利民者得八十餘事止標大意及降
旨月日其間繁文一切削去奏乞鏤版宣布中外仍
令州縣揭諸粉壁於是天下曉然皆知吾君之德意
矣公在政府孜孜庶務憂國如家錢穀甲兵之間或
至廟堂必爲之竭慮經畫至通夕不寐幸而得之則
翊日以告丞相俾奏行焉未嘗自以爲功而 上亦
深知之士大夫無辜被罪竄斥遠方有未還恩數者
公奏事 上前便言不已每蒙開納薦舉人才必
參考公論皆曰賢矣然後刻章兩省侍從由公延譽
而被擢用者甚衆公未嘗語人而其人亦卒不知爲
公所薦也公自參機政天下事多所建明更化以來
所以維持紀綱法度可以數百年猶蒙其功者公實
有力焉至二十七年九月公謂家人曰吾貳政已暮
年衰疾豈可久妨賢路宜束裝吾馬歸矣乃夜奏遲

明懷至漏舍示同列遂留身乞辭機政上驚曰卿在政府宣力甚多方切倚毗豈當捨朕而去確然不許公既退卽挈家屬出私第示必不可留相繼章四五上累降詔遣中使宣押恩禮備至公力懇不已上知公去意已決乃曰卿先朝老臣出處皆可觀今之求去蓋欲全進退之節豈可以朕故令卿有不滿意然觀卿筋力尚壯當爲朕臥理一郡公又懇辭上曰比年執政無善罷者卿之行可謂勇退矣且大臣去國自有體貌此不可辭拊勞久之除公資政殿學士知婺州陛辭之日上復與公極論異日爲治之要已而曰舊德去朝相見無日因顰蹙不懌公再拜謝恩既下殿復宣坐賜茶慰勉加厚公至浙江亭將登舟忽中使馳至賜御札一封通犀帶一條天語丁寧備極恩寵搢紳歆艷以爲近世初見也是日宰執侍從下至百執事悉會江亭叙別冠蓋相望填溢阡陌都人縱觀或繪爲圖以比漢之二疎云公至婺女布宣天子德澤爲政務簡易存大體至於事干休戚則必反覆詳審而不敢忽一方之民初未識公徒以公名德之重更相戒飭勿犯公法自郡丞以至諸邑官吏翕然奔走率職曰豈

可復以猥瑣上累我公神明公以獄者人命所繫尤所加意每錄重囚必使升階立坐隅親加臨問察其辭色多得其情泣事之初有大辟囚以疑奏讞得旨杖脊流配當決日引囚出則癯瘠若病者公命減杖數之半僚吏皆曰此勅斷也不可公曰主上寬仁好生哀矜庶獄其嘗親聞聖訓今此囚既以疑故宥其生矣脫或斃於杖下則如勿讞人主欲生一人而郡守乃殺之尚可謂之承流宣化乎衆莫敢言本州歲以綾羅輸內庫自紹興以來逋負重積前官以屬宮禁不敢丐免有司督責嚴甚公具奏一切蠲除之又乞增大禮買羅之直民皆被其賜公在郡祿令之外一錢不受或以謂例所當得前後相承莫有廢者公曰吾顧法如何未聞以例從事也食指猥衆用度不足至質錢以自給飭內外非飲食日用之物不得輒市於民婺出羅帛家人欲一見且不可仲春勸耕例携妓樂公悉屏去燈夕出游吏以故事告公亦罷之政務便民安靜不擾數月之間郡以大治公曰可以休矣遂再辭祿明年三月命下依前資政殿學士轉左太中大夫致仕即日西歸資裝無浙東一物盡以錫賚之餘分給親族之貧者致仕官

暨使臣合得俸祿悉罷去不請曰吾平生食君
祿多矣豈可復更尸素吏輩役於私室難以費蠹
廩寧自給之食築亭池上名曰喜歸公自號華陽老
人日與親舊游息其間又作詩以叙喜歸之情一時
名士賡和盈軸公遭遇累朝晚年蒙太上皇帝
擢與機政眷遇優渥雖一飯之間未嘗忘感戴之意
晨起必炷香上祝千萬歲壽每戒子孫曰吾老矣
不能上報國恩汝曹其勉之至被疾猶諄諄道此
語人皆謂公發於至誠而然二十九年七月以其子
堅該恩叙封轉左通議大夫三十一年太上皇
帝巡幸建康道出京口公扶病朝行宮是時虜踐
淮甸王師列屯江滸上見公慰勞周悉因語時事
且曰卿在政府時屢講募兵之議有司措置失當今
遂乏用公奏述江淮形勢乞寬聖慮上問公體
力增損授以藥方仍述修養之法恩意款密人皆
屬目焉主上登極首訪公安否明年十一月召
公赴闕公具奏力陳兩經致仕衰病難支上察
其由衷詔曰張綱一時老成朕所渴見已令趣召乃
以耄老爲辭重違雅志可從所請令所在州軍常加
存問仍賜羊酒郡守備禮委縣令入公里致詔特

異之恩一時鮮儷世以爲寵乾道二年正月感微疾
踰月疾良已甲午之夕與家人笑語如平時遽命
取水浴體浴畢安臥三問夜如何至二鼓忽舉手加
額三叩齒遂薨于正寢三日而斂手足和柔膚革如
生享年八十有八官左通議大夫職資政殿學士爵
丹陽郡開國公食邑二千二百戶實封一百戶遺奏
上聞 天子嗟悼輟 視朝一日 詔贈左光祿大
夫恤典皆如式公始以經術大儒爲上舍第一釋褐
卽官上庠自正至博士凡三遷時鼓司踵堂閭閭秋
秋盛於唐漢公講論經旨研窮理窟人人渙然冰釋
五經尤精於書每因講解著爲義說皆探微索隱倫
類通貫嘗疾夫絺繪揣合以應故事故其言無一不
與聖人契旣卒業遂成一書凡三十卷世號張氏書
解自是後學潛心此經者爭傳誦之諸家之說雖充
棟汗牛束之高閣矣公在三館於未見之書無不讀
聞見日益博洽雖位通顯未嘗一日廢卷晚年披閱
稍倦則命子孫讀於前而臥聽之議論常出諸儒意
表人有得其謦欬之餘皆抄錄藏去其爲文雄深雅
健粹然一出於正代言西掖綽有典誥之風奏議詳
明直而不訐實近世文章之宗伯也平生著述有華

陽集四十卷六經辯疑五卷確論十卷告猷集三卷
聞見錄五卷瀛州唱和八卷靖康建炎間遭兵火焚
掠煨燼之餘所存無幾公純誠直亮稟於天性自布
衣至貴顯操守奉養不少異氣貌嚴正雖燕處無惰
容未嘗姑息而人親之未嘗暴怒而人畏之交游盡
天下名士推薦人才先德行後文藝卒皆通顯大抵
不喜沽名常曰中庸之爲德其至矣乎捨是而要一
時之譽吾弗能也 召節屢頒皆出簡記貴倖近習
無一相識者其愛君憂國出於天資每從容 上前
必以進君子退小人信號令明賞罰爲言尤小心恭

謹避遠權勢退朝未嘗與人言奏對之語疏狀稍干
機密者往往削藁不留以故忠謀讜議人亦莫能盡
知也宣政間在京師二姦相繼弄權氣燄熏灼士類
不能改其操紹興中退而里居二十餘年當國之人
復視之如仇讎不能害暮年遇合遂入政府守法任
職親舊未嘗敢干以私急流勇退再辭榮祿全名高
節爛然獨著公嘗書座右曰以直道行已以正色立
朝以靜退高天下是三者人之大節不可違也吾雖
不才反身而誠亦庶幾焉其子以是刻諸石觀其言
可見公用捨行藏素定久矣公事親至孝承顏順志

雖古人有所不及親沒追慕白首不少衰時祭如見其享忌日號哭如初喪一言及親未嘗不垂涕也初祖母齊安夫人在堂奉事尤謹政和七年公正室新安夫人徐氏以宗祀恩當受封邑公乃以回授祖母宣和七年再乞回授遂封太安人紹興元年公以正郎初遇郊當任子以叔父汝弼爲少保所友愛遂奏乞先補叔父被旨特許旣秉政得謝而歸許上其子若孫三人公自念吾白屋起家備位二府皆先世遺澤而羣從猶布衣安得恣然忘之遂剡章乞官其堂弟曰絢堂姪曰基曰圭未幾基亡復以郊恩官基之弟塾公載念曾祖後猶有未仕者又以郊恩官其從姪鉞自叔父以下由公而仕者凡六人公媚適溧陽進士談思文實榮國所鍾愛復奏補甥榘將仕郎公始輟妻之封及祖母輟子之祿及叔父輟孫之官及羣從甥姪至薨沒時曾孫數人皆未官嗚呼非孝義過人安能若能建炎初六飛南渡江浙雲擾公侍二親奔竄山谷鄉鄰之避寇者知公所往爭趨附之曰此公純德孝行可以動天天必祐之冀賴餘庇以免由是相從者數千人晝伏夜行周旋於煙塵矢石間凡數月卒獲無虞間有捨公而出他

途必遇寇掠前後數十無免者一日公與羣衆隱大林中虜騎遶林謹譟聲勢甚迫衆大恐遷徙紛亂或啼哭失聲閔然不可遏正尔惶惑忽大風起飛沙折木震動林藪移刻而止虜騎尋引去是日微此風則虜聞人聲無噍類矣人皆以爲公德行所感厥後中朝士大夫流散南徙狼狽於道有至公鄉者不以在亡爲辭必厚館之或經歲乃去性儉約自入禁闥贊化鈞首尾踰三十年家無金玉之器室無衣帛之妾凡世之聲色玩好一無所着在政府時每解衣人見其所服縑素無不歎息鄉人衣冠新異者不敢服以見公有爲不善寧受辱於有司唯恐公之知也公居依山而田瀕湖每歲夏潦山水湍激悉爲巨浸有勸公增置良田者公曰先世以此貽子孫儻能保守足以資伏臘豈可廣植膏腴以損子孫之志哉故自微至貴田不加益祿廩之餘推以賑貧無吝色每蓄善藥名方人有疾手自施予鄰里死者調其棺槨歲穀熟必損衣食之費增價糴而藏之至春則減其直以濟乏絕一方賴此免於飢饉流徙者不知其幾千萬人也紹興十六年丁榮國憂有穀千餘斛盡以貸鄉民之無告者旣而焚券柩前曰世俗以厚緇黃爲孝

於親孰若惠貧乏以酬親志公所居宅南甘露降於
衆木之上一年凡三見穰穰如貫珠庭前雙桂枝生
連理寢室之後復產紫芝又有羣鶴數百回翔寥廓
下視所居公祝曰胎仙見臨願示丹頂俄有二鶴垂
首簷楹飛舞自獻人皆異之先是公夢遊一官府殊
庭虛寂非人世比夢中以為異日當居于此後十餘
夢宛然如一公薨之月族弟統夢至其所與公言同
門設綠牌而無字有告之者曰俟張公至則書此額
矣考公平生所踐履則知身後所歸宿夫何疑哉公
娶同邑徐氏贈新安郡夫人建炎四年卒男二人堂

右宣義郎前公二十年卒堅朝散大夫直寶文閣知
泉州嘗歷御史國子太常簿孫四人奎承議郎新通
判信州盜迪功郎早卒鑿迪功郎池州貴池縣主簿
鎬從事郎新平江府崑山縣主簿堅奎皆中進士第
種學積文能世其家鑿嘗薦名禮部孫女六人適士
族曾孫男女八人尚幼乾道二年十一月巳酉葬公
于家北古觀基之原從治命也公以全德碩望遭遇
四朝言聽計從澤及天下克保富貴壽考屹然爲世
重臣訃音流傳學士大夫暨閭巷之人無問識不識
舉皆痛惜流涕蒙公恩者至畫像而祠之公平生不

求赫赫之功唯以道德仁義自任誠心守之老而不衰此其所以大過人者真所謂古之遺直歟公之子堅欲上公行實于朝以丐易名之與俾箴叙其本末箴出入公門三十年矣知公出處最詳輒以所聞見紀其實以授公之子不敢有加焉庶幾議謚勒銘有所考信以傳不朽視質諸夏無且盡工爲無媿云謹狀

乾道四年三月 日通直郎大理寺丞洪箴狀

先君性嗜學壯歲讀書至忘寢膳自隸業上庠以至官中都著述無虛日任館職最久與一時名公賡和尤富建炎已酉金虜南渡犯浙東明年三月北歸所過焚剽無噍類先君方待浙憲闕居金壇倉遑挈家奔句曲之西館戴氏一夕虜卒至家人僅以身免去未一里而烈焰屬天由是數十年手澤悉爲煨燼無餘迨戎馬息驚蒐猶未定而秦丞相當國士大夫以文墨賈奇禍斥逐流放踵相躡于道先君念太夫人年益高無兼侍秦又挾微憾疑不附已常恐一旦貽親憂遂絕意辭翰嘗爲大


理卿譚公哀辭有士應知己用人豈法家流之句
既出好事者口語籍籍幾爲所醞釀因此愈自晦
屏去筆硯二十餘年或諉以文字之職一切力辭
遇勝日袖手危坐命子孫讀古人佳製以寄幽賞
秦相卒先君蒙光堯壽聖皇帝擢登政府旋再辭
祿以歸時年已七十六閑居又八年而卽世晚景
多病頗近藥石雖時時歌詠太平然精勤刻苦不
能如疇昔矣堅不孝遭大罰號慕之餘哀集遺文
以類編次僅得外制二百二十二表疏九十八奏
劄六十八故事十九講義十九啓八十四雜文七
十六古律詩二百三十九樂府三十四釐爲四十
卷以先君自號華陽老人目之曰華陽集集中有
宣政靖康間所作詩文數十篇皆掇拾於殘編斷
簡之末或親舊口所傳誦十不存一二唯尚書解
三十卷乃先君爲學官日所作講義訓諸生者閩
士集而成書別本刊行嗚呼先君力學起家不幸
遭兵火畏權臣故文章之傳後世者止於如此敢
撫其實載集尾以俟立言君子爲之叙乾道三年
九月朔孤子堅泣血書

先大父平時刻意辭章老且弗倦不幸厄於建炎

兵火而殘編斷簡得之煨燼之餘又不幸沮於秦丞相以深文甜天下舌而片言隻字莫敢出諸口比及秦亡而大父已告老然遇佳時勝賞猶時時技癢發於吟詠故身後哀集之文僅如是而止先叔寶文久欲鋟之木而志弗遂釜假守秋浦之明年郡事稍閒因取所編復加訂正以成先叔之志云紹興改元冬十二月孫朝奉大夫權知池州軍州兼管內勸農營田事金謹書

華陽集卷第四十

畢



卷之四